

"Službeni glasnik BiH", broj: 86/12

Na osnovu člana 61. stav 2. Zakona o upravi ("Službeni glasnik BiH", br. 32/02 i 102/09) i člana 26. stav (3) Pravilnika o uslovima koje moraju ispunjavati pravna i fizička lica za promet fitofarmaceutskim sredstvima ("Službeni glasnik BiH", broj 51/11), Uprava Bosne i Hercegovine za zaštitu zdravlja bilja, u saradnji sa nadležnim organima entiteta i Brčko Distrikta Bosne i Hercegovine, donosi

UPUTSTVO

O OBLIKU VOĐENJA EVIDENCIJE O PROMETU FITOFARMACEUTSKIH SREDSTAVA

Član 1.

(Predmet)

Ovim Uputstvom se određuje računarski program i obrazac za vođenje evidencije o prometu fitofarmaceutskih sredstava u skladu sa Pravilnikom o uslovima koje moraju ispunjavati pravne i fizičke osobe za promet fitofarmaceutskim sredstvima ("Službeni glasnik BiH", broj 51/11), (u daljem tekstu: Pravilnik).

Član 2.

(Oblik vođenja evidencije)

- (1) Evidencija se vodi u elektronskom obliku u računarskom programu "Excel" na obrascu koji se nalazi u prilogu ovog Uputstva i čini njegov sastavni dio.
- (2) Elektronski oblik obrasca evidencije iz stava (1) ovog člana pravne i fizičke osobe preuzimaju sa službene web stranice Uprave BiH za zaštitu zdravlja bilja ili službenih web stranica nadležnih organa entiteta i Brčko Distrikta BiH.

Član 3.

(Način popunjavanja obrasca evidencije)

U Obrazac evidencije upisuju se svi podaci koji se obrascem traže i to:

a) Opći podaci o obvezniku vođenja evidencije:

- 1) naziv pravne ili fizičke osobe (upisuje se naziv pravne osobe ili fizičke osobe obveznika podnošenja podataka),
- 2) sjedište (upisuje se: poštanski broj, naziv mjesta, ulica i broj za obveznika podnošenja podataka),
- 3) prodajni objekat (za svaku poslovnu jedinicu izvan sjedišta upisuje se: poštanski broj, naziv mjesta, ulica i broj prodajnog mjesta),
- 4) telefon, fax,
- 5) e-mail,
- 6) ime i prezime odgovorne osobe (upisuje se ime i prezime odgovorne osobe prema članu 8. Pravilnika za prodajni objekat za koji se vodi evidencija),

b) Podaci o prometu fitofarmaceutskih sredstava (u daljem tekstu: FFS):

Broj kolone	Naziv kolone	Opis
1.	Redni broj	Upisuje se redni broj prema redoslijedu upisa
2.	Trgovački naziv FFS	Upisuje se puni naziv FFS prema rješenju o registraciji nadležnog organa (primjer: Decis 2,5 EC)
3.	Aktivna tvar-trivijalni naziv	Upisuje se trivijalni naziv aktivne materije prema Spisku aktivnih materija dozvoljenih za upotrebu u fitofarmaceutskim sredstvima u BiH (primjer: Deltametrin)
4.	Koncentracija aktivne tvari	Upisuje se sadržaj aktivne tvari u procentima ili u g/kg(L) (primjer: 2,5% ili 25 gr/L)
5.	Mjerna jedinica	Upisuje se mjerna jedinica pakovanja FFS (komad-kom, litar-l, kilogram-kg)
6.	Težina pakovanja	Upisuje se težina pakovanja FFS (primjer 200 ml ili 0,2 l)
7.	Zalihe iz protekle godine	Upisuju se zalihe FFS preostale iz prethodne godine (komad-kom, litar-l, kilogram-kg)
8.	Nabavljena količina	Upisuju se posebno uvezena količina FFS i količina FFS kupljena na domaćem tržištu (komada-kom, litara-l, kilograma-kg)
9.	Prodana količina	Upisuje se prodana količina FFS u godini za koju se vodi evidencija (komada-kom, litara-l, kilograma-kg)
10.	Količina izuzeta iz prometa	Upisuje se količina FFS koja su izuzeta iz prometa zbog isteklog roka trajanja, oštećene ambalaže, zabranjena FFS ili

"Službeni glasnik BiH", broj: 86/12

		na drugi način izuzeta iz prometa (komada- kom, litara-l, kilograma-kg)
11.	Zalihe u tekućoj godini	Upisuje se količina FFS preostala na kraju godine za koju se vodi evidencija (komada- kom, litara-l, kilograma-kg)

Član 4.

(Dostava podataka iz evidencije)

- (1) Pravne i fizičke osobe koje se bave prometom FFS, moraju popunjen obrazac evidencije sa podacima iz člana 24. Pravilnika, za proteklu godinu, dostaviti nadležnim organima za poljoprivredu entiteta i Brčko Distrikta Bosne i Hercegovine do 31. marta tekuće godine.
- (2) Podatke iz evidencije pravne i fizičke osobe moraju čuvati najmanje pet godina i na zahtjev nadležnog inspektora dati ih na uvid.

Član 5.

(Stupanje na snagu)

Ovo Uputstvo stupa na snagu narednog dana od dana objavljivanja u "Službenom glasniku BiH".

Broj UZZB-01-1-02-2-902-1/12

17. oktobra 2012. godine, Sarajevo

Direktor **Radenko Radović**, s. r.